



## CHANSON NEVEZ

*Composet etre daou Zen Yaouanq, desolet gant  
an displijadur dre valiç ar goal deodou.*

*Var eun ton agreabl.*

**M**A vijen bet partajet demeus ar sqientchou,  
Em bije ar c'henta choas demeus al loden-  
nou;

Me vije bet eloqant, prudant, melodius,  
Hac a raje va c'haret hep triomphou Venus.

Mes Doue carantezus ha leun eus a buissanç,  
A ra m'en em gonsolàn en creiz an ignoranç;  
Rac ar sperejou izel bepret a vo meulet,  
Herves ma lar ar Scritur, en pales an Drindet.

Me zo unan anezo, o poursu va' vantur,  
A fell din e bep qartier cavout va flijadur,  
Hac a za da vont bremâ bete ty va mestrez,  
Da annonç dei carantez, grêt e meus alies.

Salud, femelen yaouanq, deut oun c'hoas ho pete,  
Eus ac'hanon va unan me guemer liberte  
Da renta d'c'h eur zalud gant peb affection,  
Ha mar bec'h din infidel, e ranno va c'halon.





Ha d'êc'h-u, pareillamant, tenzorier vac'halon,  
 Me zo eur vinorezic lèzet en abandon :  
 Hanval demeus eur c'haptif-laquet en esclavach,  
 Cunduet gant ar güir dorn demeus ho personach.

Meulet ra vo an astrou ebars er firmamant ;  
 C'hoi.annonç din eur galon hac am rent triomphant ;  
 Hanval demeus eur c'haptif laquet en liberte,  
 Goude beza exilet en durant e vue.

Ma vije bet em pouvoar, credit, va güir vignon,  
 N'ho pije bars er bed-mâ nep desolation ;  
 Mes me a bet va Doue, pa ne ma em pouvoar,  
 D'ho renta bars er bed-mâ vel an Ælez er gloar.

Mam bije egalite vel ar Cherubinet,  
 Eur muzellou en arc'hant hac eun teot alaouret,  
 Pe autramant ar pouvoar en d'oa Alexandri,  
 Furnez evel Salomon dign evit ho meuli.

Me ho ped va zervicher, chenchomp a breposiou  
 Ha deut ganén da bourmen, e jardin ar goal deodou,  
 Hac eno c'houi a velo transplantet eur boqet :  
 Alies dirac va zud eo bet represantet.

Deomp eta, va mestrezic, da bourmen hon daou,  
 Evit ma considerin jardin ar goal deoudou ;  
 Hanyal eus an dronc-amzer e fleur ne dint qet guyê,  
 Rac n'en dint qet arrozet gant ar glizen an eê.

Bremâ, p'hon eus causeet en comparèzonou,  
 Me a ya da expliqa ebars en bêr gomzou :  
 Lennet e zeo hor setañ ha poset an arrêt,  
 Din davarch en ho qever, d'in n'e qet permetet.



— 3 —

Ah! femelen direspét, coll a res da rêson:  
Qemer brêma eur c'hieze da dreuji va c'halon,  
Pa lemmes va flijadur, êchu dia va bue,  
Na chowin mui er bed-mâ da zouffr extremite.

Me ho ped va zervicher, confortit ho calon,  
Rac ezom hon eus hon daou a gonsolation;  
Rac me a zo obliget, abers ar güir Doue  
Da zenti ouz an hini en deus autorite.

Pa zepant eus ar goal deod ar separation,  
Me ho ped, va mestrezic, d'ober reflexion,  
Hame ya da explica ar pez a meus lennet,  
Peguen bras punishment vit an teod milliguët.

Sònjit ebars en Sant Yao, bars en Apocalips,  
E Sant Gregor, e Sant Paul, Doctoret an Ilis,  
Hac o deus bet condaonet ebars en bër amzer  
Ar goal deodou da veza priucet da Lucifer.

Clêvit an Theoloji, sperejou a gonsecanç,  
Pagomz deus a Sant Louis Roue bras eus a Franç,  
Pa gommandez d'e vuguel dre e c'hourc'hemennou,  
Da ober scouarn vouzar pa glêvje goal deodou.

Bars en eul levr ancien e meus güelet merqet  
An ifern zo paveet a deodou milliguët;  
Hac an nepgant plijadur a deuyo d'o zelaou,  
A vo eme ar Scritur, renqet en o mescou.

Pa deuy an Æl Raphaël var e deatr eun de,  
Da zon an drompill fatâl d'ober an assamble,  
O clêfot ar goal deodou e yudal gant arrach,  
E c'houlén n'a vijen bet var an douar biscoas.



— 4 —

Me deu da laret adieu da blijadur ar bed,  
Hac a ya en eun dezert d'eur forest benaquet ;  
Ho pezit sonj ac'hanòn, me ho ped, va mestrez,  
Me deu da laret adieu d'èc'h oll evit james.

Oh ! arrêtit, va mignon, ha bet compassion,  
An daelou em daoulagat ha mantret va c'halon,  
Me a bromet da Zoue dre an hano a le,  
Birvigen ne vanqàn d'èc'h eus a fidelite.

Bars eun nebeudic amzer m'en em vel oblijet  
Da disober eur sermant pelini am boa grêt ;  
Goneet oc'h eus va c'halon ouzòn c'houi zisposo,  
Ha mar deut d'am dilezel, me c'houlèn va maro.

Me ho ped, va mestrezic, bet consolation,  
Ha laqit ho confianç ebars Roue an trôn,  
Me a vo o servicher etre ma vin er bed ;  
Adieu ta, va mestrezic, q'en vo'r c'henta gûelet.

Me meus trapet eur pichon ebars em c'hroulaçon,  
Ha crennet e ziou-esqel vit miret na nijo ;  
Ha m'en goulse e berc'hen dre eur gûic amitie,  
Me a leusqse e bichon ebars en liberte.

Nep en deus grêt ar zon-mâ, zo eur speret dister,  
Deux a Barros Plouzelambr, en bornic Loc-Migel ;  
Hac en deus-hi composet da dremen e amzer,  
Dezàn ha d'e vestrezic a chom en Treduder.

FIN.